

Qishloq hayoti

O'zbekiston Respublikasi ijtimoiy-iqtisodiy gazetasi

2021-йил 21-январ, payshanba 3 (9114)-сон

e-mail: info@qishloqhayoti.uz

Қорақалпоғистон Республикаси

БОЛАЛАР ТАЪЛИМ – ТАРБИЯСИ ЭЪТИБОРДА

Қорақалпоғистон Республикаси Хўжайли туманидаги 1-Меҳрибонлик уйи 130 нафар болажонни ўз бағрига олган.

Масканда тарбияланувчиларнинг замонавий шароитда таълим-тарбия олиши учун барча шароит яратилган. Ёшларнинг бўш вақтини мазмунли ташкил этиш учун фортепьяно, хор, рақс, футбол, кураш, сузиш, волейбол, шахмат-шашка, стол тенниси, компьютер саводхонлиги, пазандачилик, ёш китобхон, тикувчилик, расмчилик, гулчилик, каштачилик, сартарошлик каби тўғарақлар ишлаб турибди. Шунингдек, ёш истеъодлар учун "Тонг ғунчалари" миллий фольклор жамоаси ва "Қарс" мусикий гуруҳлари фаолияти йўлга қўйилган.



Эътиборлиси, муассаса тарбияланувчилари нуфузли кўрик-танлов ва спорт мусобақаларида муваффақиятли иштирок этиб келмоқда. Хусусан, 2019 йил Хўжайли тумани Касаба уюшмаси томонидан спортнинг волейбол тури бўйича ўтказилган мусобақада 23 жамоа орасида мазкур Меҳрибонлик уйининг ўғил болалар жамоаси фахрли 3-ўринни эгаллади. Ўша йилнинг май ойида Меҳрибонлик уйлари тарбияланувчилари ўртасида ўтказилган "Камалак жилоси" республика расмлар кўрик-танловида М.Қосимбетов "Хитой менинг тасавурида" мавзусида чизган расми билан 2-ўринга сазовор бўлди. Шунингдек, 2019 йил 25-27 сен-

тябрь кунлари Нукус шаҳрида спортнинг теннис тури бўйича ўтказилган Қорақалпоғистон чемпионатида Яна Боғуш, Жадира Абдихалиқова, Минаж Тоқаров, Мухамедали Карамовлар ғолиб ва совриндорлар қаторидан жой олди. 2020 йил март ойида Қорақалпоғистон Республикаси Жўқорғи Кенгеси томонидан маскан тарбияланувчиси Раъно Карамова "Умид учқуни" кўкрак

нишони ва пул мукофоти билан тақдирланди. 2020 йил "Камалак" юлдузлари болалар ижодиёти фестивалининг якуний онлайн босқичида "Қарс" эстрада чолғу ансамбли ва "Тонг ғунчалари" рақс ансамбли ўз йўналиши бўйича лауреатликини кўлга киритди. Тарбияланувчиларнинг ушбу ютуқларида Меҳрибонлик уйи раҳбари Светлана Соннинг ҳам ҳиссаси улкан.

Унинг ўз касбига жонқуярлиги, фидойилиги давлатимиз томонидан муносиб баҳолалиб, 2007 йил Ўзбекистон Республикасида хизмат кўрсатган ёшлар мураббийи, 2018 йил "Соғлом авлод учун" 2-даражали ордени, 2019 йил "Мўтабар аёл" кўкрак нишони билан тақдирланган. **Мақсад ҲАБИБУЛЛАЕВ (ЎЗА) олган сурат.**

МУНОСАБАТ

МАЪНАВИЙ ҲАЁТИМИЗДА ЯНГИ БОСҚИЧ

Президент Шавкат Мирзиёев раислигидаги маънавий-маърифий ишлар тизимини тубдан такомиллаштириш, бу борада давлат ва жамоат ташкилотларининг ҳамкорлигини кучайтириш масалалари бўйича видеоселектор йиғилишида наинки соҳа вакиллари, балки бутун жамият олдида бугунги таҳликали даврда ёшларнинг маънавий тарбияси бўйича аниқ вазифаларни қўйди.

Бу йиғилиш қатнашчиларининг фикр-мулоҳазаларида ҳам ўз ифодасини топмоқда.

Минҳожиддин Ҳожиматов, Республика Маънавият ва маърифат маркази раҳбари:

– Мамлакатимиз ҳаётида тарихий бир воқеа бўлди. Давлатимиз раҳбари бир фикрни айтди. Жамият ҳаётининг танаси иқтисодиёт бўлса, унинг жони, руҳи маънавиятдир. Чунки маънавий асосларсиз, маънавий негизларсиз, маънавий қадриятларсиз маънавий-миллий руҳсиз ҳеч бир давлат ўзининг юсак мақсадларига эриша олмайди. Агар биз боболаримиз яратган иккита Ренессанснинг асосига назар ташлайдиган бўлсак, иккаласида ҳам ўша иқтисодий ривожланиш билан руҳий ривожланиш уйғунлигини кўрамиз. Давлатимиз раҳбари бугун бизга янги тизимни кўрсатиб берди. Бу қандай бўлади, бу қандай ишлайди ва бу ишларни қандай ташкил қиламиз, унинг молиявий жиҳатлари, молиявий асослари қандай бўлади? Республика маънавият ва маърифат маркази фаолиятини тубдан танқидий, таҳлилий кўриб чиққан ҳолда уни такомиллаштириб, мамлакатимизда Республика маънавият ва маърифат кенгашининг ижро, мувофиқлаштириш, устувор йўналишларини белгилаш борасида бош муассаса сифатида белгиланиши жуда катта эътибор, катта ваколат ва шу билан бирга жуда катта масъулиятдир. Давлат раҳбарининг ташаббуси билан янги Ижтимоий-маънавий тадқиқотлар институти ташкил қилинапти. Бу институтга энг кучли, ҳам ватанпарвар, юксак салоҳиятли, шу соҳада ижтимоий-маънавий муҳитни таҳлил қила оладиган, унга баҳо бера оладиган, прогноз қила оладиган ва устувор йўналишларни, вазифаларни белгилаш салоҳиятига эга бўлган профессор-ўқитувчилар, ёш олимларни жалб этиш ва жамиятдаги маънавий-маърифий ишларни ташкил қилишда шунчаки тадбирлар уюштириш эмас, аввало, ҳар бир ҳудуднинг ўзига хос жиҳатлари, ўзига хос хусусиятлари, керак бўлса, муаммолари, оғриқларидан келиб чиққан ҳолда аввало таҳлил қилиш, ташхис қўйиш ва ана шу асосда маънавий-маърифий ишларни ташкил қилишга эътибор қаратилади. Биз шу пайтгача сабаб билан эмас, оқибат билан курашиб келдик. Чунки илм бўлмаган жойда шундай ёндашув бўлади. Ана энди сабабини аниқлайдиган бўлсак, албатта, қилган ишимиз оқибатида самара бўлади, натижа бўлади.

(Давоми 2-саҳифада)

Сенат Раиси Жаҳон банкининг Марказий Осиё бўйича минтақавий директори билан учрашди

Ўзбекистон Республикаси Олий Мажлиси Сенати Раиси Танзила Норбоева Жаҳон банкининг Марказий Осиё бўйича минтақавий директори Лилия Бурунчук ҳамда Жаҳон банкининг Тошкентдаги ваколатхонаси раҳбари М.Мантованелли билан учрашди.

Учрашувда Ўзбекистон ва Жаҳон банки ўртасидаги икки томонлама муносабатларнинг бугунги ҳолати ва янги йўналишларни қамраб олган ҳолда ҳамкорлик кўламини кенгайтириш имкониятлари кўриб чиқилди. Томонлар Ҳукуматнинг 2021 йилга мўлжалланган иқтисодий ривожланиш режалари, шу жумладан, хусусий секторни ривожлантириш ва сармояларни жалб қилиш бўйича режалаштирилган қисқа ва ўрта муддатли давлат инвестицияларининг устувор йўналишларига урғу берилди.

Бундан ташқари, Жаҳон банки томонидан ишлаб чиқилаётган мамлакат билан шериклик концепцияси доирасида молиялаштириш учун кўриб чиқиш режалаштирилган қисқа ва ўрта муддатли давлат инвестицияларининг устувор йўналишларига урғу берилди.

Жаҳон банкининг Марказий Осиё бўйича минтақавий директори Лилия Бурунчук иқтисодий ва ижтимоий ислохотларнинг натижаларига юқори баҳо бериб, уларнинг ижобий динамикаси ва мамлакатни жадал ривожлантириш учун кенг истиқболлар мавжудлигини қайд этди.

Л.Бурунчукнинг сўзларига кўра, Ўзбекистон кўпгина йўналишларда жуда яхши натижаларга эришди. Қолаверса, гендер тенгликни таъминлаш, шу жумладан, тадбиркорликни қўллаб-қувватлаш, хотин-қизлар ва

ёшлар учун шарт-шароитларни яхшилаш, мажбурий меҳнат ва болалар меҳнатини бартараф этиш борасида Марказий Осиё бўйича қамраб олган ҳолда ҳамкорлик кўламини кенгайтириш имкониятлари кўриб чиқилди. Бундан ташқари, бугун Ўзбекистон Президенти Ш.Мирзиёев раҳбарлигида олиб борилган ислохотлар натижасида инсон ҳуқуқларини таъминлаш, аҳолини ижтимоий муҳофаза қилиш масалаларида катта муваффақиятларга эришди. Президент парламентга йўллаган Мурожаатномасида инсон манфаатлари, халқ фаровонлигига ҳам эътибор қаратди.

Жаҳон банкининг Ўзбекистондаги ваколатхонаси раҳбари М.Мантованелли таъкидлаганидек, парламент юқори палатаси Раисининг Жаҳон банки раҳбарлари билан олиб борган музокаралари натижасида қишлоқ жойларда хотин-қизлар ва ёшларнинг тадбиркорлик фаолиятини қўллаб-қувватлаш учун 2,7 миллион долларга тенг дастлабки лойиҳа ва ижтимоий ислохотларнинг натижаларига юқори баҳо бериб, уларнинг ижобий динамикаси ва мамлакатни жадал ривожлантириш учун кенг истиқболлар мавжудлигини қайд этди.

Учрашувда аёллар тадбиркорлигини ривожлантириш, хусусан, қишлоқ жойларда фаолият бошлаган хотин-қизларни қўллаб-қувватлаш, давлатимиз томонидан мазкур йўналишда амалга оширилаётган саяёҳаракатлар юзасидан ўзаро фикр алмашилди.

ЎЗА

Янги Ўзбекистонда эркин ва фаровон ҳаёт кафолати



Икромхон НАЖМИДДИНОВ, Наманган вилояти маҳалла ва оилани қўллаб-қувватлаш бошқармаси бошлиғи ўринбосари, Олий Мажлис Сенати аъзоси.

Президентимиз Мурожаатнома аввалида таъкидлаганларидек, ўтган йил нафақат мамлакатимиз аҳли, балки барча давлатлар учун оғир синовлар йил бўлди. Қисқа фурсатда бутун ер юзини қамраб олган коронавирус пандемияси юртимизни ҳам четлаб ўтмади. Аждодларимиз кейинги юз йиллар ичида кўрмаган оғир, синовли кунлар бошимизга тушди. Бир ёқадан бош чиқариб амалга оширилган тадбирлар натижасида халқимиз бу синовларни мардонавор энгиб ўтмоқда. Инқирозга қарши "Саховат ва кўмак" жамғармаси тузилиб, умумхалқ ҳаракати даражаси доирасида кўрилган чора-тадбирлар Наманганда ҳам ортқча талафотларсиз шундай кунларга етиб келишимизда катта аҳамият касб этди.

(Давоми 2-саҳифада)

Гулистон шаҳридаги Ҳалима Худойбердиева номли ижод мактабига Туркиянинг Ўзбекистондаги фавкулда ва мухтор элчиси Мехмет Сурейя Эр жаноблари, элчихонанинг таълим бўйича маслаҳатчиси Али Эюпкожа, маданият ишлари бўйича маслаҳатчиси Алпарслан Акинжи ҳамда Туркия телевидениесининг бир гуруҳ вакиллари ташриф буюришди.

Ижод мактабига "Дўстлик мадҳи" шиори остида маънавий-маърифий тадбир бўлиб ўтди.

Ижод мактаби директори, шоир Муҳаммад Исмоил меҳмонларни ўқувчиларга яратилган шарт-шароитлар, ўқув хоналари, ёшларнинг бўш вақтларини мазмунли ташкил этиш, улар истеъдодини янада ривожлантириш бўйича амалга оширилаётган 5 та ташаббус йўналишлари доирасида ташкил этилган тўғарақлар фаолиятлари билан таништирди.

"Дўстлик мадҳи" шиори остидаги маънавий-маърифий тадбирни мак-

Сирдарё вилояти

ТУРКИЯ ЭЛЧИСИ ҲАЛИМА ХУДОЙБЕРДИЕВА ИЖОД МАКТАБИДА



табнинг иқтидорли, ижодкор ўқитувчилари Моҳидил Зияева ҳамда Хусниддин Ҳайитовлар ўзбек ва турк тилларида олиб бордилар.

Тадбирда Жалолиддин Румийнинг "Dostlar gün bugün", Нозим Ҳикматнинг "Kerem gibi", Юнус Эмронинг "Gönüller yarına geldim", Ҳалима Худойбердиеванинг "Дорилмон кунлар келди" ҳамда Муҳаммад Исмоилнинг "Дўстлик мадҳи" шеърларини турк ва

ўзбек тилларида мактабнинг ижодкор ўқувчилари Гулбахор Ёркинова, Севинч Саидова, Шаҳзода Ҳамроқуллова, Гулсанам Турғунбоева, Шаҳло Давронбекова ҳамда Зулҳаё Мингбоевалар ўзбек ва турк тилларида ёддан ифодали ўқиб бердилар.

Ўқувчилар томонидан айтилган икки тилдаги шеърлар меҳмонларга манзур бўлди.

Шунингдек, тадбирда ўқувчилар то-

монидан турк миллий рақси "Zeybek", ўзбек рақслари "Ўзбекистоним", "Лазги", қорақалпоқ миллий рақси "Қорақалпоғим" рақслари маромига етказиб ижро этилди.

Туркиянинг Ўзбекистондаги Фавкулда ва мухтор элчиси Мехмет Сурейя Эр жаноблари тадбирда сўзга чиқиб, ўқувчиларнинг билими, истеъдоди, тил ўрганишга бўлган қизиқишлари, бадиий чиқишларини эътироф этган ҳолда, Ўзбекистон – Туркия давлатларининг маданияти, тарихи азал-азалдан бир-бирига чамбарчас боғлиқлиги ҳақида тўхтади. Бу икки давлатнинг алоқалари ҳар соҳада, давлатларимиз ривожининг ҳар бир жабҳасида намоён бўлиб келаётганини алоҳида таъкидлаб ўтди.

Элчи жаноблари ижод мактаби директори, шоир Муҳаммад Исмоилга "Туркия – ўзбекистонлик журналист ва фоторассомлар нигоҳида" номли халқаро фотоўргазмада иштирок этганлиги учун суртификат топширди.

Бозорбой БЕКМУРОДОВ, "Qishloq hayoti" мухбири.

Суғуртага суюнинг! Ютқазмайсиз

Бойлик, обрў ортидан қувиб, қадрли нарсани қўлдан бой берманг!

Наманган вилояти

Наманганда “Аёл дунё базаги, меҳр-муҳаббат рамзи” шиори остида аёллар фестивали ташкил қилинди.



Аёллар фестивали

Оммавий ахборот воситаларида ёритилиб, кўпчилигининг эътиборини тортиб келган бу тадбир Давлатобод туманидаги “Ёш куч” ўйингоҳидаги спорт-музика машғулотларидан иборат флешмобдан бошланди.



Шу кунги Наманган шаҳри ва Давлатобод ФХДЭ бўлимларида вилоят алдия ва давлат хизматлари агентлиги бошқармалари томонидан сайёр қабуллар ташкил қилинди ва хотин-қизларга кенг қамровли хўқуқий маслаҳатлар берилди.

Олий таълим ва техникумларда ўқиётган 25 нафар қизнинг бир йиллик тўлов шартномаси учун 98 миллион сўм ажратилди.



тақдим қилинди.

Ёшлар марказида амалга оширилган модалар намоёниши ҳам иштирокчиларга завқ бағишлади, катта таассуротлар қолдирди.

– Аёлларимизга қанча кўп эътибор берсак, шунча кам. Биз бундай тадбирларимизни келгусида чекка туманларимизда ҳам амалга оширишни режалаштирганмиз,

Фестивал вилоят маданият саройидаги гала-концерт билан якунланди. Унда таниқли санъаткорлар қаторида вилоятнинг умидли ёшлари ҳам куй, кўшиқ, рақслари билан иштирок этиб, анжуман қатнашчиларига завқ-шавқ бағишлади.

СПОРТ ХАБАРЛАРИ

Қорақалпоқ қиличбозлари ёшлар чемпионатида тенгсиз

Пойтахтимизда қиличбозлик бўйича ёшлар ўртасида мамлакат биринчилиги старт олди.



2001 йил ва ундан кейин туғилган ёшлар ўртасидаги мусобақада Республикаларнинг энг сара ёш қиличбозлари баҳс олиб боришмоқда.

Регламентга кўра, бугун сабля қуролининг яқалик йўналишида голиб ва совиндорлар номи маълум бўлди.

Халқаро Олимпия қўмитаси Токиодаги Олимпия ўйинларининг тантанали очилиш маросимида 6 мингдан кўп бўлмаган спортчи иштирок этишини режалаштирмоқда.

Даставвал Олимпиаданинг тантанали очилиш маросимида 200 мамлакатдан келадиган тахминан 11 минг спортчи иштирок этиши кутилган эди.

Утган йили Ташкилий қўмита Олимпия ўйинларини ўтказишни расмий равишда содда-лаштиришни ёқлаб чиқди.

Интернет хабарлари асосида тайёрланди.

Пойтахт вилоятидаги мижозларга 5,5 миллиард сўм тўланди

Бугунги кунда Тошкент вилоятида суғурта хизматларидан фойдаланиш кўлами аҳоли орасида тобора оммалашиб бормоқда.

Аҳолининг суғурта хизматларига бўлган ишончининг ортиши тўлаб берилаятган тўловлар билан боғлиқ, десак муболага бўлмайдими.



Алломиш Инвест” фермер хўжалиги раҳбари Бунёдхон Абралов.

– Узоқ йиллардан буён ташкилотимизда юк автомашинасини бошқарган собиқ ҳайдовчимиз М.Р автохалокат туфайли вафот этди.



Мажбурий суғурта турлари бўйича амалга оширилган тўловлар 2,5 миллиард сўмдан ошади.

“Узагросуғурта” АЖ

Qishloq hayoti. MUASSISLAR: Ўзбекистон Республикаси Вазирил Маҳкамаси таркибидagi ҳамда бошқа дахлдор вазирил ва идоралар.

Бош муҳаррир: ЧОРИ ЛАТИПОВ. ҲАБИБ ТЕМИРОВ (Бош муҳаррир ўринбосари). РАЙМУҚУЛ СУЯРОВ (Бош муҳаррир ўринбосари).

ТАХРИР ҲАЙЪАТИ: ЖАМШИД ХУЖАЕВ, ШАВКАТ ҲАМРОЕВ, ШУҲРАТ ТЕШАЕВ, МУҲАММАДЖОН ТОШБОЛАЕВ, АҚТАМ ХАЙТОВ, БОТИР СУЛАЙМОНОВ, МАҲМУД ТОИР.

Ўзбекистон Матбуот ва ахборот агентлиги томонидан 2009 йил 13 февралда № 0020-рақам билан рўйхатдан ўтказилган. Манзил: 100000, Тошкент, Матбуотчилар кўчаси, 32-уй.

Баҳоси келишилган нархда. ISSN 2010-7021. Босишга топшириш вақти: 21.00. Босишга топширилди: 20.00.